

藝風堂文集卷五

國史孝友傳序

隋志傳記類列蕭廣濟等孝子傳

古無此類

孝友傳

書多不存遺說時見於類聚御覽中至沈約撰

朱書

友傳後世史家多因之或曰孝義曰孝行曰孝感名雖不同

而其為實則一也我

國家以孝治天下服官者有告養之例行義者有旌表之典

深仁

盛德漸漬人心而又厚人倫敦行義篤教化厲風俗

旌勸之

詔賁於閭左所以委巷布衣之昨兒童穉弱之細至性所激

生死以之英聲被於山川盛事光於日月固士民之敦本者
多亦

聖治之感人者久也若夫生竭服事之誠歿盡哭泣之禮以
及同居百口號曰義門警宗祀之里儻稱之視爲庸行實有
奇福至或逢時不造罹此鞠凶犯禁復讐挺身蒙難或宛轉
而遂其志或湮鬱以隕其生類皆纏絲固結一往莫禦水火
不能阻天地不能奪刀鋸不能挫關河不能限精氣之積而
鬼神與之通往往有行雖怪而適蹈其常語似奇而實衷於
正者洵可以扶世運起懦夫矣今采其尤者輯爲專傳餘援
唐書明史例臚其姓氏如左

國史隱逸傳序

古有三不朽曰立德曰立功曰立言士君子廁身儒林將以
求志爲達道之原修身爲治國之本豈願沈冥蜀莊草木同
腐已哉若乃遭時不造履蹈焦原九死一生艱貞蒙難而天
命有存終不能藉手以有爲不得已棄捐所向投老巖穴至
大至剛之氣充塞兩閒足使頑者廉懦者立百世之下聞風
興起其有益於天壤爲功於名教豈後於救民水火銘勛茅
土者乎范蔚宗創逸民傳史家因之

國初遺逸若黃宗羲顧炎武李○見儒林傳朱用純見孝友
傳今錄錢澄之等十餘人著於篇皆大節凜然無慚前史者
若夫遭逢

聖世高蹈邱園匿跡銷聲不爲世用雖較勝溺情利祿之徒

不啻倍蓰然獨善其身曾何益於天下也故類此者皆不錄

荃孫前在

史館續修儒林文苑兩傳

舊彙四卷

初修孝友隱

逸兩傳

有目無書

均有定彙又接修公主土司兩傳

有目無書

藝文

一志

舊彙十卷

與總裁議不合乞

假歸初彙尙畱荃孫所

江陰先哲遺書序

士大夫居鄉收拾先輩著作壽之梨棗以永其傳有三善焉
一邑讀書之士能著述者不過數十人著述而能存者不過
數人吉光片羽蟬螿爲巢及今傳之俾不湮沒其善一也土
風民俗之遷革賢人牙士之出處貞義士女之事實耳目近
接紀載翔實是傳一人之詩文即可傳數人之行誼其善二
也鄉曲末學志趣未定貽以準則牖其心思俾志在掌故者

既可考訂以名家工於詞章者亦能編纂而成集佩實銜華
聞風興起其善三也顧前人亦有二體一則采摭詩文選擇
精審部別代分彙成總集如孔延之之會稽掇英鄭虎文之
吳都文粹是也一則經史子集各因其類首尾悉具序跋仍
之或就舊帙翻雕或勒行款如一如前則胡震亨之鹽邑志
林近則邵子顯之婁東雜著是也二者之中尤以叢刻爲最
善吾友金君澐生博雅好古昔與夏君彥保及荃孫三人互
相砥礪以收拾先輩著作得一書則彼此傳鈔十餘年中長
編零帙得五六十種澐生先爲江陰藝文志二卷又擇其可
以傳播者梓行二十種名之曰江陰先哲遺書裒鳩旣博體
例尤謹誠桑梓之鉅觀而職方之要典也吾邑僻在江介宋

以後始有傳書談經則涉於空疏雜記則近於猥瑣祇詩文
專集尙有卓然自立者而邑抄收藏家卽其子孫亦不知先
人著述之存沒否則以銅蔽爲珍守不與人傳鈔欲其流播
也難矣士之秀者但攻制藝不知讀書爲何事并科第亦甚
寥落雖前有李申耆先生之提倡近有黃漱蘭學使之培植
其如先入爲主習俗不化何哉滄生此刻庶足以化舛陋之
士風而興述作之盛舉則大有造於後學矣荃孫雪鈔露纂
蓋亦有年而京宦刀薄未能廣爲傳布僅刻先哲石公遺集
一卷亦出明人掇拾無復舊觀其視滄生又不覺慕而生媿
也

積學齋叢書序

古今經籍之傳由竹簡而縑素而楮墨而槧刻日趨便易至叢書之刻在藝苑已爲末事然萌於宋繩於明極盛於我朝乾嘉之間大師耆儒咸孜孜焉弗倦校益勤刻益精藉以網羅散逸掇拾叢殘續先哲之精神啟後學之涂軌其事甚艱而其功亦甚鉅願有性嗜舊刻毫釐求肖者如黃主事之士禮居是也有志在傳古校讐最精者如盧學士之抱經堂是也有書求罕見今古俱備者如鮑處士之知不足齋是也有專輯近著按亡抱缺者如趙大令之鶴齋叢書是也雖云有槧刻而書易傳然傳書之功亦惟叢書爲最大矣吾友徐君積餘沈涵經籍劬學不劾家^①國習聞鄉先輩趙琴士之遺風久客維揚與竹西諸賢相砥礪嗜古之念日專傳古之

心日切近出所刻叢書見時蓋專求近儒輯述取未刻之書
爲之傳播經學史學地學算學無所不備書又多可傳無偏
嗜無雜糅叢書之善至此極乎聞君多藏善本二集之刻又
翹首而俟之矣

聚學軒叢書序

錢竹汀先生云嘗最古人之書併爲一部而以己意名之者
始於左禹錫百川學海序題昭陽作噩而不署年號而中敘
李之彥東谷所見錄成於咸_淳戊辰以是推之昭陽作噩當
是咸_淳癸酉矣今宗室伯希祭酒購得喻鼎孫儒學警悟刻
於宋嘉定閒又前禹錫數十年是真叢書之祖然前人類刻
另立名目元明至

國初如夷門廣廣鹽邑志林津逮祕書之類至以叢書著稱
則始於明萬曆間格致叢書按明人以說郛板印行數十種
多寡不一名爲唐宋叢書亦在
萬曆以齋閣名書則始於

國朝乾隆閒奇晉齋雅雨堂其佳者如黃氏之士禮居秦氏
之石研齋爲最雅其鉅者如伍氏之粵雅堂吾友章氏之式
訓堂爲最宜自有此叢刻人謂收拾零星小種俾不至於湮
沒有助藝苑甚鉅貴池劉子蕙石嗜古敏學殫力搜討所蓄
亡慮十數萬卷匆輯近儒著述類皆爲經史金石之學者刻
成聚學軒叢書若干種皆外閒所希見傳昔賢之精神開後
學之矩矱其不至真僞不分雅俗不辨剛削脫誤爲盧抱經
學士之所譏乎余從友人徐積餘太守識蕙石氣誼交孚時

相過從積餘先刻積學齋叢書余亦刻雲自在龕兩集近又有藕香零拾之選風窗燈几日事校讐吾輩蠹魚風味亦是
有真樂在也

劉蔥石貴池沿革表後序

昔有問於閩百詩先生曰考據以何爲最先生應之曰不誤請益又應之曰不漏錢曉微宮詹述其言而以爲難若考據至輿地而欲不誤不漏也難之又難者矣吾友劉子蔥石家貴池病其邑志誤漏而訂正其失撰沿革表一卷擇精語詳有條不紊卽如據宋志石城漢縣訂元和志韓當封石埭城侯輿地紀勝黃武三年置石城縣之誤據通典元和志訂新唐志脫池陽郡三字之誤訂隋志五縣爲四縣之誤

楊君守敬隋書

地理志考證云以石城臨城定陵故治南陵五縣改故治爲故治云梅根治銅官治之故地其說穿鑿不如以五字爲四字之譌訂汪氏補志少三縣之誤類皆穿穴各書而得之其用心細密洵非尋行數墨家所能者又據通典知唐改秋浦郡爲池陽當在永泰時據歐史職方考知改秋浦縣爲貴池當在楊吳順義時方志訛舛悉釐定焉至若地名同異最易混淆貴池爲邑漢前無聞漢志始著石城之名至隋乃改秋浦而隋以前書有曰石城太守李崇者則燕之石城也有曰劉胡逃至石城者讀胡注通鑑知爲竟陵之石城若但求諸南史其上下文言貴口言尋陽又安知不可混淆也至於石頭城亦嘗曰石城去今池州尤近更難辨識隋以後有僑置南豫州時有治南陵縣時苟不詳攷漫然讀史未有不河漢

者君少年好學正詩古文辭好金石精賞鑒卽以此一表爲
續修方志之權輿而疏通證明不誤不漏庶幾近之莖孫昔
嘗究心地學又兩修順天湖北通志曾彙聚古今輿地書而
攷其沿革則各書動輒牴牾證之於史牴牾尤多往往思窮
日夜多采旁證而後貫通亦竟有不能貫通者君此表雖寥
寥數葉然用心良苦矣君亦許爲知言也乎

周武壯公遺書序

咸同之間海內倣擾湘鄉曾公用湘軍擊賊合肥李公以淮
軍佐之卒能芟夷大難俾天下重見昇平一時豪傑之士雲
合景從颯馳電擊各奮才智以立勛名而合肥周武壯公又
其文武備具魁倫冠能者也公自遭寇難投筆從戎東援吳

平粵寇北清畿暨平捻寇西入關平北山寇豐功偉略史不
絕書其所殫心竭慮而鞠躬盡瘁未盡設施者則莫如天津
海防焉天津者畿東屏蔽距京師僅二百有四十里最爲敵
國所窺伺其閒大沽海口北塘要隘不一公爲統帥以事爲
己任察形勢之緩急度兵力之強弱簡軍器之利鈍采輿論
之是非思以威馭勇從智出日異月新士氣益固又當九河
下流汎濫頻仍田蕪不治公駐軍新城防河疏渠興屯蒔稻
其利日溥而其患日減暇與軍士講土宜辨物產種植收穫
儲峙軍資深合古人有事則兵無事則農之遺意爲畿東百
姓倡儻能推而廣之則虞道園徐禎明之說可施於今而江
浙可稍損輸將畿輔可無虞空乏沐其惠者又豈止天津一

邑哉數年之間防日防俄防法從未有以一舸犯天津者猛
虎在山藜藿不采其威在也迨公歿而海疆從此多故矣歲
丁酉公子子昂觀察以遺書見朕分子自十日軍謨篇曰御
兵篇曰簡器篇曰練法篇曰戰事篇曰城工篇曰屯政篇曰
河務篇曰行實篇曰教令篇其苦心孤詣流露行間已行者
人共知之其未能行者人亦共諒之公之心盡而公之職亦
盡矣公所至尤以興學教士爲先務在里與同志勗肥西書
院在新城亦廣設義學菁莪之秀遂爲成才椎魯之夫亦令
識字篤行必先博學有勇進以知方至聖所言後先同揆是
書也傳後人因公意而增益之庶足挽弱爲強一洗淮軍暮
氣之恥而爲

國家之干城是所望於後之治軍者

梁曦初先生文集序

光緒丙子荃孫應禮部試以經策受知三原梁曦初師成進士撤棘後執贄門下一年之中時時進謁師長身玉立顏色和藹獎其所已能誨其所不及勤勤懇懇每言必盡丁丑九月荃孫旋蜀戊寅自蜀還師已選授福建興化府知府出都時偕同門送至城外花之寺嗚呼孰知不二年師歸道山而此別遂成永訣耶今年冬濬甫世兄抱詩文稿來開緘申紙宛如覲面文采猶在典型已非悲從中來不能自己荃孫學植浮薄何足知師之文猶憶師之言曰文無他長惟真爲難嗚呼古今文人傳作其真者能有幾人蓋有真性情始有真

識力有真識力始有真文章匪止塗澤以爲富簡淡以爲高也若集中關中善後事宜論劾陝撫妄飾欺詐疏等篇可謂真矣蓋師早游盤屋路閩生先生之門學術正法律嚴根柢既固枝葉自茂後直

樞庭入諫垣與天下賢士大夫相揖讓識力日益充壬戌以來屢遭寇難生死哀痛一發於文悼我生之不辰歎時局之難挽如怨如慕如泣如訴之致流露於行閒其性情之厚有非他人所能及者性情摯而識力充而文章實無意於詞而詞益工無意於法而法益密仍不外於真之一言而已師全集焜於回亂壬戌以前所作存不及百之一壬戌以後略具梗概吉光片羽猶未足概師之功力也荃孫幼溺於

吟詠後聞海內諸名流緒言稍通訓詁考據之學於文略無
心得仍述師之言以序師之文亦未知能當師意否耳

說文段氏注匡謬序代

乾隆中葉漢學倡明經師浸盛其時集小學之大成闡浚長
之奧義者莫如金壇段先生說文解字注蓋窮經必先識字
識字必先說文誠學海之津梁亦儒林之徑遂顧自漢至今
千有餘年簡策之脫佚淺人之竄亂觸處皆是第執傳刻大
小徐本爲許君之本惜非特厚誣前哲抑恐貽誤通儒段先
生起缺者補之復者乙之幽隱者衷眾說以明之譌謬者集
諸書以證之如鏟犖确荆灌莽闢仄徑而達之康衢如撥陰
翳去屏幃啟昏室而懸之白日其功可謂勤矣其學可爲博

矣惟是卷袞旣多牴牾不免如據大小徐前引用之文與廣均玉篇等書證傳本之疏而改原書之字更有用意增減定爲許君本文在先生自成一家之言恐後學遂開武斷之弊同時元和江氏鏐徐氏承慶吳縣鈕氏樹玉烏程嚴氏可均陽湖陸氏繼輅時駁其說鈕氏徐氏皆成專書鈕氏書已盛行徐氏成書後於鈕氏亦密於鈕氏彙藏令子讓泉處世鮮知者丙子之冬覲元監司渝州從文孫某某索得附叢刻以行昔冲遠延注爲後鄭之佞臣斗南補遺實小顏之諍友徐氏此書補苴罅漏揆剔纖微剝其浮辭存其精義(當)爲諍友毋爲佞臣世之讀段注者應亦其諒苦心非苟爲辨詰已也至引段注係初彙本與近刻不甚同不足以爲詬病云

宋元詞四十家序

國朝彙刻前人詞者以虞山毛氏爲最富江都秦氏爲最精他若長塘鮑氏鹽官蔣氏亦嘗探靈琛於故楮采片玉於珍祕倚聲之士沾溉良多吾友王子佑遐明月入抱惠風在襟孕幽想於流黃激涼吹於空碧古懷落落雅不類於虎賁綺語玲玲媒不墮於馬腹曾借端木子疇許君鶴巢況君夔笙刻薇省聯吟詞固已裁雲製霞天工儷巧刻葩斲卉神匠自操矣其論南宋詞人姜張並舉暗香疏影石帚以堅潔自矜綠意紅情春水以清空流響洵足藥粗豪之病滌妖蕩之疵於是有雙白詞之刻又論長公疏朗稼軒沈雄大德延祐之紀年雲閒信州之傳本延平劍合崑山璧雙流傳於竹隲弁

州賞鑒於延令傳是藉東阿之珍弄訂汲古之舛訛於是
蘇辛詞之刻他若陽春領袖於南唐慶湖負聲於北宋碧山
之懸眇梅溪之軟麗中圭雙秀不殊怨悱之音南渡四臣各
抱忠貞之性天籟清雋待竹垞而傳蟻術新豔遇儀徵而顯
以及詞林正韻樂府指迷莫不錄諸舊帙付諸削氏真詞苑
之津梁雅歌之統會也君又以天水一朝人語令慢續騷抗
雅如日中天降及金元餘風未泯尺縑寸錦易沒於煙埃碎
璧零璣終歸於塵壒遂乃名山別寶海舶徵奇螺損千丸羊
禿萬穎求書故府逢宛委之佚編散步冷攤獲羽陵之祕牒
傳鈔徧於吳越讐校忘夫昏旦宋自潘閭以下得十九家元
自劉秉忠以下得十一家或麗若金膏或清如水碧或冷如

礪雪或奇若巖雲萬戶千門五光十色出機杼於眾製融情
景於一家復爲之搜采迤篇校訂訛字棲塵寶瑟重調殆絕
之絃沈水古香復扇未灰之燄洵足使汲古邈其精享帚輪
其富者矣荃孫冬心冷抱秋士愁多未諳律呂之聲粗識目
錄之學奉茲瓌寶歎爲鉅觀抉幽顯晦共知搜集之苦心嚼
徵含宮俾識源流於雅樂云爾

陽江舜河水利備覽序

光緒戊子冬荃孫銜恤南歸承乏南菁講席陽湖胡東翹明
經來院言曰大^益鄉居陽湖東北地勢最下羣山四屏形如
釜底夏秋靈雨山泉怒發蓉湖流潦孟瀆狂溜矢疾颯激匯
成巨浸雨或愆期立形龜坼倏旱倏澇民用大艱昔人傍山

鑿港曰舜河北行十餘里入江陰境又十餘里經虞門通大江港門曰新溝旱則引潮內灌澇則導水外洩內灌則潁河陽湖田七千二百五十六畝江陰田七千一百六十八畝均受其利外洩則遠至芙蓉圩馬家圩均去其害又不僅潁河諸田也然而潮汐往來泥淤堆積水道日窄岸沙日高不十數年卽宜大濬且萃兩邑之人合數鄉之力鄉民蠢蠢意見多歧富者吝財貧者惜力欲成其事戛戛其難荃孫聞而躋之謀諸族叔晉卿先生及諸曉事者咸以爲然迺核田畝鳩貲財定丈尺立標識集夫役具畚揭搜隱匿考勤惰有百計阻撓者力持之不爲動搖入春多雨量費宜倍江陰民力不獨舉陽邑津貼之始於戊子冬十月下旬成於己丑春二月

中甸共百二十餘日而竣東翹又舉疏濬舜河錄見脈首水利論次公牘次章程次前事考次圖次役田以治水要言附焉條舉件繫經緯分明公牘上溯至萬曆五年前事上溯至洪武五年下迄於今以爲後人程式可謂勤於搜輯而有功鄉里者矣荃孫以爲人能用水水則爲利不能用水水則爲害利害兩途決無中立沿江各河日受潮淤昔也方舟今也斷港十年一濬勞民傷財其病一鹵莽從事不暇深求河細如帶土逼若衙每逢風雨往往傾瀉漁梁蠲斷每易挂淤壑灘樹藝立形阻塞其病二築室道謀聚聾而鼓一夫夜踞萬鍾星散浮冒侵漁授人以柄激成獄訟懸爲厲誠功敗垂成十居其九其病三三者皆潮港之通病非舜河之獨病縱有

良法夫豈易爲急則治標惟有合兩邑如一邑視公事如私
事嚴定條規預籌經費俾及時修理而已東翹以爲然乎否
乎昔宋魏峴著四明它山水利備覽三卷
國朝王太岳著涇渠志二卷皆足勒爲成法垂諸久遠是錄
也庶可比美前人矣

佐寮古鑑序

元幬黃孕黔首莘莘令丞簿尉最爲近民枳鸞卑棲尺蠖眴
伸泥塗非所懼而儕侶闐闐呶呼顛目構耳鄰鶻正萬法
鴻網嬰仁天聽詎高响姬同春噫噦晚近匪規矩是遵奉檄
爲親擊柝爲貧一膏微玷七尺不足珍蠅營集鼻蛙沸吹脣
九植叢棘踣輪遭迤豈無芝蘭雜於荆榛飲名則穢納目則

賁牛驥一阜珷璞同塵誇誇賈君盪滌幽垠今鑑鑑古古鑑
鑑身景形相逐柯則逾真鉤典注文璘夕曦晨成卷維卅積
軸隣响觥觥儀華首重彝倫培塿躋嵩渤游岷席民仁壽
上下維均鞠人若子摠伏若神桐鄉嗇夫遺愛在人次公矯
矯終秉國鈞經師人師矩矱攸循芝草醴泉威鳳祥麟盱衡
聖世頌景福天申

傅孟垣詩序

蓋聞予雲論詩首先辨志彥和著例兼尙使才昆侖風騷積
石漢魏溟渤六代尾閭三唐大雅不作古人誰歸裂錦百幅
雕組失質鑄鼎千鈞厚重少文滔滔汨汨大懼沮溺吾友孟
垣經折五鹿函開九羊劉尹不煩董公健者冲如曇如發爲

詩歌索冥摘塗游泳函夏叔夜含潤其志淵雅景陽振麗其
采蔥倩加以願領宇宙搖落關河西華葛帔米賸桃花南畝
瓜廬家違若下賓王作奏仲宣登樓視鐵自磨鐙檠作伴每
當望雲思親聽雨憶弟茫茫詩思蕭蕭客懷未免有情誰能
遣此若夫洱海瘴雲黔山箐雨熨道鯁部江陽龍堆枯籐挂
壁日碎有聲迴湍墮星颯斜失色三台山北九支城南篝狐
鳴祠焦梨嚙索風災鬼難刀雨隨輪矛浙劍炊槍雲擁社而
乃登高能賦徧及征途草檄得閒便成凱唱少陵入蜀律法
愈細庾信遭亂才思益新境之不幸詩之幸也夫以瑰琦其
行組練其才摘藻錦囊滌筆銀漢猶復沈酣卷軸出入風雅
爬羅古豎跌宕今情將使瀛州鐫姓詎誇下里蘭臺簪筆上

吭雲和豈不至哉豈云幸哉願乃局跡塵埃曳尾泥塗已做
秦裘未設穆醴騏驎失勢驚駘同咎鸞皇鍛翻雞鶩爭食吹
蕭吳市擊筑燕臺抑鬱無聊侘傺何已駕車隆隆途往輒窮
天門蕩蕩誅不得上僕與足下同此天涯元方季方一門矜
式羊仲求仲三徑追隨而浣花一溪蜚魂不飛嗚血五斗鶻
夢欲碎傷哉君子如何如何人亦有言詩能窮人吾謂不然
窮達在天引商刻羽和寡自古被朱飾紫行尸蔑爾孰得孰
喪辨之易明不怨不尤是昌子之詩吾子勉之

澤宮位次考序

懿夫天降虹玉素王受命之符庭遺麟紱黑帝右文之瑞四
科從夫陳蔡五教闡於鄒嶧文翁石室續諸賢於禮殿子長

史記輔世家以列傳經師升配貞觀通古今之學弟子從祀
開元增侯伯之封文明日啟禮秩日尊微言大義幸親炙於
門牆崇德尚功遂同列於俎豆譬之層巒崩岊咸脈絡於崑
崙尺澤汪洋亦朝宗於渤澥學派非一報稱則同顧以先河
後海之忱閒有入主出奴之弊紛爭漢宋議論滋繁強別賢
儒抑揚尤甚迨明中葉乃有張璁以議禮之貴人逞私臆於
先哲削秦并縣亶於靡退順陽高密於鄉旣干非聖之誅奚
取下愚之覺蠶毒自逞蠡測堪嗤復古翼經幸逢

聖世源自開國以迄今茲二百五十餘年之間復祀者八人
從祀者四十五人家法紹漢秩祀軼唐

詔盈廷而咨諏奉

廟謨爲進止典至重也恩至渥也何以序爵序齒偏易混淆
位東位西每多凌躐固禮官之弁陋亦志士所傍徨桐城洪
君靜川笙簧六籍黼黻九能精詁承夫漢儒粹言續夫宋學
爰爲考訂勒成一書類宮璧水纘成合食之圖木豆竹籩永
定一尊之制折衷異議遂集大成然而溝壑下士鄉曲鄙夫
襲褻博之容儀竊語錄之餘緒咸思挹流泗水分榦孔林若
夫中郎懿範鐫石鴻都景純孤忠專家雅訓類皆刪削顯有
偏枯近者廌山與叔幸依講席之末光黎洲亭林見厄達官
之旨說左右其手高下在心聚訟孔多定評罕見放言及此
感喟系之

上元顧氏貞節錄序

夫沒世之名不稱而舍生之義爲尤烈何則天不能有和煦而無肅殺地不能有蕩平而無窪陷徂徠勁質至歲寒而始知湯谷冤禽填巨壑而無悔情一往而莫禦志百折而不回區區之忱欲回造化皜皜者日其鑿懷抱此國殤所以見重於靈均列女所以獨傳於中壘也癸丑之春金陵瓦解吏望風而免脫士執冰而魚爛處士願君志行皜然誓入地以相訴欲順天而何忍遽拋弱息遂鑿凶門魂氣何之隨赤燦而上下天閭莫叩灑碧血而難銷有女婉孌壻家亦沒幽居空谷泉水常清壓綫寒閨秋風易病悼孤生其奚益遂甘死而如飴貞潔表爲女箴賢明懷夫庭訓英光炳烈閭里交推令子子鵬明經植學洞深朗詣俊拔悼嚴君之奇節憫女孀

之高行遲遲卅載耿耿寸心光緒辛卯應吉林主講之聘將
軍長順請旌於

朝得

旨報可封事夕奏

綽楔朝頌懿夫一門並堪千古又復徧徵藝苑播爲文詩持
示荃孫命爲前引荃孫少值亂離長職史乘播紳蹈海闔闔
靡筭日月有書轡軒屢采其爲清門具美史冊垂聲者惟前
湖北按察唐端節公殉難楚疆其女字獻縣劉肇竣未昏壻
歿矢志終身論者以爲先烈後貞父忠子義今之顧氏其揆
則一勝則王蠲絕脰不殊紆金佩玉之班公乘斷髮詎少茹
槩飲冰之侶沿城舊跡永崇光祿之祠夔道遺民共拜叔先

之象頑廉懦立以勸將來

王六潭同年濠上集序

夫牛羊下括君子于役之詩鴻雁哀鳴小雅劬勞之什自來
行旅慣寫牢愁縱或擁傳壯游縉符經涉風餐露宿水驛山
郵其閒都邑之駢闐原澤之珍瑋關隘之夷險民俗之盛衰
俛仰百變悲歡萬態而況天星亂動海水羣飛被髮伊川不
及百年之歎租戎魏絳難收五利之功於是情寓於跡思會
其通侔色教彝含音琴瑟此六潭同年濠上一集所由成也
鳳陽地連吳楚水扼渦淮民俗凋劫土風剛勁前則明祖龍
興故陵尚在後則土酋虎踞伏莽未消六潭負通脫之才屬
干城之寄官舍閒暇大可嘯歌征途栗陸不妨題詠氣以斂

而益醇詞以真而愈峻昔使秦西尚有輶軒之采茲來濠上
倍深今古之情補綴沈吟勒成二卷憫余近歲迹類飄蓬屬
爲弁言以證心曲嗟乎飢驅出走敢希五馬之榮秋士言哀
時作一鱗之露黃墟風雨故人之音沫猶存施均甫李蕓客
朱蓉生諸君
白首煙霞歸隱之田園何在落落四海耿耿寸心寫眎六潭
同增感喟

金漣生粟香隨筆序

出江陰城西廿里地曰申港吾宗聚族而處焉爲楚春申之
采邑有吳季子之大家名以事繫見諸韓滉之傳地因人重
載於葛叟之文維桑與梓宛然心目再西大岸則金氏居之
顧陸生連里開朱陳代爲姻好桑麻接望雞犬相聞興滅是

依休戚與其莖孫穉歲卽罹寇難天涯奔走卅載於茲聆鄉
語而茫然詢土風而莫辨嘗侍家君談讌爲徵往事數舊姻
習俗之樸茂品行之醇摯謹識於懷弗敢忘也歲己卯金淮
生表兄自粵東轉餉相遇於都門古歡若素相見恨晚開示
近作兼推新義靈歟自解天倪獨完濯瑤蕤於秋泓激涼吹
於空碧同時華士罕有其傳文字之契丹雞可盟官檄頻催
驪駒就道睇山川而閒隔通箋札而交勉又約哀集邑中先
輩著述廣爲流傳脈脈兩心迢迢萬里今秋寄眎粟香隨筆
八卷蓋淮生新著也簿書期會之地補綴濂湘關河行役之
餘網羅風雅追述舊德奉揚清芬舉枌榆之嘉話矜式後賢
敘山水之昔游徘徊陳跡酒人已散黃墟之感旋生游子重

來自社之詩尙在割錦千匹餐花萬株安石碎金稚川宏藻

自序有云爲感舊懷人之助多抱遺訂墜之資三復斯言略

窺宗旨又因官事四至粵西鴛江鴻雪描成著色之圖

惟生有鴛

江鴻雪圖羚峽雞潮聽慣相思之調荒山冰井洗碧瓷而摹銘廢

院銅鐘剜蒼蘚而認字至於陽侯肆虐於澤雁之哀吟天吳

不朝紀水犀之禦侮羈愁騷屑往興來情則又夢溪筆談同

茲典博桐陰舊話無此關係者矣抑荃孫更有感者淮生於

去年夏迎晴初表丈至梧州荃孫亦前於辛巳秋侍家君遠

來京邸淮生碩學雄才名流推重方補桓寬之論載賡東哲

之詩就養無方說親有道荃孫則萬里浪游囊金未蓄十年

冷署炊玉徒嗟乞米之帖不靈避債之臺已築其賢不肖相

去可以道里計哉所願他日者偕隱青門歸耕綠野放棹三
山之港敲詩六射之臺摘蘆聖之蔭以爲羞摩繖墩之梅以
爲殖扶婆娑之二老同話斜陽挈嬰媿之諸嬰其樹良醞絮
萍蹤於夜半如夢如塵趁花事於春初且耕且讀先詰之書
高可盈尺容齋之筆續不止五其爲至樂曷其有極人之所
欲天必從之請以斯言指爲息壤

山右石刻叢編後序

汾晉之野古稱奧區太行之陰實曰地脊山叢徑雜土厚水
深吉金樂石流傳實地漸生前輩巡撫山西於今三年政通
人和年豐物阜徧拓石刻七百餘通勒成書四十卷自魏迄
元搜輯大備廣徵史書博采志乘條舉件繁炳炳麟麟自來

攷金石者以

國朝爲極盛郡多專志代有名家而後出愈精斷推是書爲最約舉大綱其善有四可得而言焉寰宇一錄遠師夾深秦豫兩記上紹歐陽或僅注夫方輿或止存夫題跋此則精理打本校錄舊文景伯隸釋碑陰碑側之備詳九成叢鈔大字小字之悉具刻苔剔蘚俗書與院體同珍舐墨椎甃里語與作家並列事蹟可攷端賴於石華賞鑑爲名迥殊於骨董其善一也青浦萃編藝林推重然其斷代止於宋金孰知大蒙啟運兵鋒首及於河東中統以前世鎮林立乎山右論事蹟則宋濂王禕之史所未詳論文首則遺山莊靖之集所不盡忽神民族訛舛兼訂潛研成已碑銘會最且逾愛日詎可視

爲枝贅棄若弁髦此則著錄過三百篇類同偏嗜編緝成十七卷幾半全書其善二也分省彙錄始自蘊山南海繼之於沅湘儀徵推之於滇粵然皆存佚不分真贋雜出崔逸開元之製移於鬱林衡陽响嘯之文推爲夏后洵屬通人之蔽恐爲識者所嗤此則目治爲主耳食必剛界休有道鄙青圭谷口之傳摹絳州天尊存大中咸通之注釋玉琢磨而益粹金辟濯而愈精其善三也山左金石畢阮同修萃江浙之名流紀瑯琊之勝跡然而楚臣余義之鐘載之魯郡成周仲習之鼎闕入齊疆下至頓印莒刀邾戈滕佛縱耕出之有地亦傳世而在人此則齊舉子鑄出自滎河鄂史寶鉞歸於積古長子屯留之貨漢元天福之錢法帖別行殘塼閒出不求增益

概與刪除若夫攷鐵人於晉祠訪銅鐘於天慶均歸附著獨
具別裁詎以款識日殘稍存假借何如碑碣長在藉證見聞
縱曰名從主人大可執爲通例其善四也在昔倦圃應官亭
林作客境內古刻稍稍流傳目綴於洪洞之董略編於扶風
之王高郵小種亦有微長通志專門未爲盡善今也搜采靡
遺迨稱觀止勘訂益慎無愧前賢好古之攀川嶽效其靈購
奇之殷球琳同其價年經月緯探一十四代之貞珉徵事攷
文萃九十一屬之瓊寶真所謂百家之鑪橐六籍之星源矣
荃孫愛之成癖過三十年而遙萃而爲林出一萬種之外謬
承誣諉略有補苴誰謂雕蟲偉望早儕夫汾霍不辭附驥小
文聊學夫洪孫云爾

重修荊州府志序代

荊州控天下之脊據上游之勢左吳右蜀襟江帶鄂人物髦
秀舟車鱗沓與揚州爲二陝昔建名藩駐禁旅以四千今推
重鎮志乘之作有二難焉一曰考古貴於勿誤宜都立郡孫
劉易訛荊州設牧周陳並建宏農聞喜典午之僑置雲中九
原孝建之并省赤岸未詳乎元史紫陵僅見乎隋書或近置
而冠以昔名或虛封而漸爲實土定其疆界則壤錯犬牙訂
其沿革則目昧繭紙此考古之難也一曰徵今貴於勿漏明
代舊志湮沒無傳康熙胡在恪之所編已逾爾紀乾隆施廷
樞之所輯亦過百年其閒廢置頗仍記載闕寂白蓮倡亂於
枝宜紅巾進逼乎江河而龍陂橋一捷實天下大局所關官

文恭公誓師振旅力保此金湯胡文忠公籌餉練兵漸復夫
壘土沙場碧血游魂憑弔乎國殤江渚丹舸互市更遘乎海
容書事必具夫首尾立論不服其精詳此徵今之難也荊州
府知府令任廣東按察使倪君豹岑以孔賈之樸學兼任龐
之政聲膏雨濡春和風扇物人思借寇

帝每褒韓聽政之餘百事就理爰集高賢勒成斯志爲卷八
市門十三目六十三其搜采文獻必載所出則范石湖吳郡
志例也博綜史傳閒有參考則潛說友臨安志例也前志訛
舛訂正綦嚴則垂西河蕭山刊誤也名人著述甄錄維謹則
班扶風漢志藝文也鑿鑿彬彬復乎遠已祖賢移節楚臺思
從事於通志而才謝漁仲忘等師丹愧無紀載之才空有編

摩之願睹茲鉅帙益慕宏裁綜今古於胸中恍續袁宣都盛
荆州之記述流山川於掌土迥非康武功韓朝邑之空延世
有通儒當不河漢斯言也

與沈鶴農書

鶴農足下國門判襪執手泣然別思淒風感懷逝水振策翹
道十日九霾黃沙簌簌不辨昕夕水潦沒軫泥塗接天輿說
其輻馬陷於淖西眺太行南涉大河石磴如砌言徑澗池土
壁若削乃度函谷驕陽炙笠炎歊裂衣時值盛暑不停揮汗
大風北來甚雨隨至飛泉界嶺力轉巨石震雷劈門響暗怪
樹耳目所接意駭神竦長安以西漸大危棧黃金子午天獄
漢河拆柳鳳州尋詩劍門行抵左縣涪江暴漲連村比舍悉

付陽侯老蛟攫人怒，鼉跳屋修隄一綫浮。梗水而儻或奔壞，
滿城魚鼈如此三日乃漸歸壑。中秋前夕行達成都，倚閭息
望穹窒紆歎，小女啞啞牽衣索笑，嗟乎繭足萬里，僕指半年
驚定而喜喜極而悲，親朋相覲爭慰下第發言面頰，輒復走
匿，偶繙書篋，蛛網塵封，讀未數行，神思昏倦，志業荒墮，光陰
荏苒，人生到此，（盛）復奚言往者都下勝友如雲，連輿接茵，尤
在足下，猶憶涼月三五美酒，十千歌呼相娛，嘲謔閒作，臣心
最樂可飲一石，古歡易索，良會難償，風流雲散，一別如雨，足
下心醉六經力殫，羣史樹義，醜萃撫藻，琛麗鵬秋，昂弟志同
道合，聯吟擊鉢，析義揮麈，飫領佳趣，殊勝勞人，吾儕碌碌已
及壯年，思欲懷鉛握槧，上溯結繩，申紙渝墨，下窮倚杵千秋。

位置自有定論科第得失何足重輕以此自慰兼慰足下近
校遷史漸有條理寄居蕭寺經旬閉關拂楮敵辭一鐙如豆
窗竹鳴秋聲和落葉此情此景願足下思之也
與張瑞之書

瑞之六丈槃敦判別關河閒阻明月入戶盈虛幾過清風灑
襟寒燠異致潛翔莫屬意想罕達懷人天末怒如賙饑敬維
閣下華褰七英藻速十札潛神默記導引後進浮英湛德追
足昔彥孟博澄清穆之敏捷希風古人庶幾未遠荃孫刊校
史漢春莫蕝事彥侍觀營招司記室遂於成都浮舟東下五
月朔日行抵犍爲之道士觀時則宿雨新霽大江怒漲漩渦
駭浪觸石崩雲舵工失手如箭脫筈驟不及避已陷石壁碎

砲雷響碧然中開水高於頂命輕於葉老蛟饒人棲鵲弔影
迴颿忽注遂膠淺沙得緣蟻巢免葬魚腹子固落水蘭亭僅
存仲堪被冢布帆無恙時命之窮概可知矣自來渝州得安
館舍禦寇嫁衛相如游梁孔臧援筆自賦蓼蟲劉峻難薪其
嘲書蠹自維昔年空負夫志吟煙弔月動擬漢魏妃青儼自
輒摹齊梁廟我寸管闌彼前哲志在千古言戒一家歲月云
邁功修日隳壯不如人饑來驅我饑鄒躍治樗櫟不材實命
不猶喟然歎息盈盈一水望通吳素英初子健近況何如珍
攝起居定增佳勝不盡欲言

與楊策卿書

策卿足下別清風幾經圓月濯濯者柳漸長新陰嘒嘒者

翊忽送淒響時物遷矣人事閒之爲可感也足下墨汁盈掌
知珠在胷漱重五經崔約萬紙金百鍊而益光劍萬辟而愈
銳鯤化鵬搏指顧聞耳僕春莫以來養疴僧舍簾青補竹天
綠分蕉花氣四檐蟲聲六枕金榻選夢鱗眼茶翻晨窗祛塵
蝸涎篆涇短僮而外惟攜破書石夜不來空對古硯每當鏗
黃於粟天墨如礫廊鐸敲風塙鈴吟雨情掩掩而抑抑境蕭
蕭而寥寥不自知城市之中山林之內也年來頗欲潛心經
籍飲志義訓而掘井九仞未見原泉刻楮三年空嗟往日優
哉游哉如何如何海暑多厲伏維自愛臨書悵悵不盡欲言
與湯伯溫書

伯溫足下春明盍簪訓酢歡洽關河千里波濤寸心朋饑之

枕計日以積比維足下學富三篋才兼九能應官之暇力窮
著作堂開玉茗遙契宗風字獲珠船獨搜古義繅酬持正金
鑄子昇以古方今曷云多讓僕輒紅再闢與白依然未得東
歸仍復西笑星飯牛屋露宿雞棲折柳秦橋叱雲蜀棧徧數
磨驢之迹流水銷魂重尋旅燕之巢青山識我申秋前夕始
達成都縱涸轍之難甦庶倚閭之息望風塵懸落半雜笑嘍
行李倉皇負慚骨肉近復寄居蕭寺司事校讐一燈風雨古
佛瞰其悲歡萬疊雲山羈人役於魂夢株守無能瓠落自惜
如是焉已鴻麟遇便翹望德音燕市天寒伏維珍攝
與姚彥侍觀察書

蓋聞芥珀異品一見輒投霜鐘殊質千里立應所以迴飄鼓

急能邀玉應之知流水絃高必入鍾期之聽良以同類乃克
相孚未有鞶纓七就飾此駑駘緹錦千重襲茲燕石按金衡
而治律啞鐘濫厠宮懸負寶鼎而調羹雅匹偏升椀楸如閣
下今日者也閣下胸爲江河手擎壺華鑑鞠百氏關鍵九流
鄭小同之經學遠紹祖德顏之推之文筆夙飫庭誥凡夫綠
鱗丹首之文戈烏爰蟲之字金版六敬之舊羽陵百軸之遺
莫不三篋無遺七車獨擅管輅在座莫能當其旗鼓君苗見
文幾欲焚其筆硯又況盤錯屢試芒刃弗頓筦部分任則劉
晏之運籌驄馬巡方則張綱之持節宜乎馳譽者雷癩藉響
者川鷺矣猶復求賢若渴說士尤甘搜竹箭於東南采琪珣
於西北芝蘭在室并不棄夫絲麻桃李盈階猶遠膏夫杞梓

如荃孫者材同蟠木品劣豨苓瑯琊石鼓之碣僅獵其文辭
華山中舞之歌莫明其句讀弛業於髫齡罹難於弱冠颯輪
萬里星飯十年市上傭書街頭販鐵縱或閒思塗抹畱意料
詮而立志勿後古人落筆每慚作者鄙言累牘江東號曰癡
符僻字盈囊都下嗤其詘體自蒙眴睐之及得與賓佐之班
風前燭底雪夜霞朝塵尾交談牛心嗜炙蔡中郎枕中之祕
借以傳鈔張思光手澤之編命之讐校臥茂陵之病投以藥
餌首京洛之塗資之行李雖樊川之護奇童元暉之依王儉
以今師古何以加茲泊暎左右爰整輪鞅弔古釣魚之城覽
勝漢湖之寺捫星升壁闢雨窺井元和之殘字剔自荒榛亭
熙之石塔訪之牧豎借山水之流連消塵埃之坳集月之十

日得返寓廬草亦多情花如斂怨抽書篋底蛛網塵封讀畫
壁閒蝸涎篆溼侍堂上之晨昏笑言如昨憶途中之風雨魂
夢猶悸離逃之感天倫之樂清夜自矢何去何從第偶息夫
勞薪尙遠睽夫故土求食之艱離壳不常浮影之鳧逐波愈
遠曷嘗慕鐘鼎薄邱樊哉不得已耳又況違侍音塵低徊履
席燕雖去謝尙戀雕梁馬已辭裴猶思華廐巴山涼雨憶清
話於前宵汶水崩濤慕朝宗於大解心之憂矣何日忘矣節
候炎暑渝城鬱蒸伏望禔躬起居萬福

藝風堂文集卷五

甄風堂文集卷六

江陰繆荃孫

晉楊陽墓闕跋

晉楊陽墓闕分書晉安帝三年立在四川巴縣鄉間累石三重中段刻字下有兩佛象承之姚方伯彥侍輦以歸今藏晉石厂校楊君巴郡枳人晉地理志枳梁州巴郡屬縣今四川涪州寰宇記云桓溫定蜀別立枳縣於涪陵郡東北一十里鄰溪口又置枳城郡尋廢闕立於隆安初上溯桓溫平蜀已六十三年其爲巴郡之枳無疑漢元光元年令郡國舉孝廉晉元帝時制揚州歲舉二人諸州一人騎都尉武散官漢武帝置歷代因之楊君蓋梁州所舉而終於騎都尉者文四十三言書地書官書出身書先世達官書年月質實簡老與劉

韜韓壽同猶是漢人遺則也

晉韓壽墓碣跋

晉韓君神道二十四字分書韓君卽晉書賈充傳之韓壽傳云壽字德真南陽堵陽人官至散騎常侍河南尹而驃騎將軍乃贈官均與碑合惟不書河南尹耳散騎常侍按晉百官志云本秦官也秦置散騎又置中常侍散騎從乘輿車後中常侍得入禁中皆無員亦以爲加官漢東京初省散騎而中常侍用宦者魏文帝黃初初置散騎合之於中司掌規諫不典事貂璫插右騎而散從至晉不改又云散騎常侍侍郎與侍中黃門侍郎共平尙書政事是要職也驃騎將軍晉志與車騎衛將軍同列堵陽屬南陽國與地理志合

梁鄱陽王題記跋

附宋嘉定題名

梁鄱陽王題記正書前人未著錄梁書本傳鄱陽忠烈王恢
太祖第九子天監十一年出爲使持節都督荆湘雍益監南
北梁南北秦九州諸軍事平西將軍荊州刺史十三年遷散
騎常侍都督益南北秦沙七州諸軍事鎮西將軍益州刺史
使持節如故便道之鎮據補梁疆域志荊州治江陵益州治
成都自荆之益雲陽在所必經當刻於是時也此刻在四川
雲陽縣南三里龍脊石卽輿地紀勝所載之龍脊灘在大江
之中夏秋沒於水冬盡春初始見宋人題名交午重疊約百
許段光緒丙子葉大令慶樾搜得之縣僻無拓工風急石麤
紙墨皆燥故訖無精拓本

宋嘉定鄭子思題名分書自梁天監十三年甲午至宋嘉定九年丙子計七百有二年此云六百九十八年少四年誤自嘉定丙子至光緒丙子又得六百年傳世日遠其實貴當何如耶子思題名在丙子葉大令得是刻亦在丙子亦奇鄭子思王中巽趙錦夫德顯天麟俱無考

齊隴東王感孝頌跋

齊隴東王感孝頌申嗣邕撰梁恭之分書并篆額武平元年正月廿二日建唐開元廿三年秋七月旬有五日楊傑重刻有跋亦分書頌云并漢逸士河內貞人分財雙季獨養一親客舍凶弭兒埋福臻山左金石志金石萃編止引搜神記肥城縣志覺其不合今攷御覽四百十一引劉向孝子圖云郭

巨河內溫人甚富父沒分財二千餘萬兩分與兩弟己獨取
母供養寄住鄰有凶宅無人居者共推與之居無禍患妻產
男慮養之則妨供養乃令妻抱兒欲掘地理之於土中得金
一釜上有鐵券云賜孝子郭巨巨還宅主宅主不敢受遂以
聞官官依券題還巨遂得兼金養兒則頌辭所述慙慙不爽
肥城志以巨爲邑人則疏矣再攷御覽八百十一引宗躬孝
子傳郭巨河內溫人也妻生男謀曰養子則不得營業妨於
供養當殺而埋焉鍤入地有黃金一釜上有鐵券曰黃金一
釜賜孝子郭巨是又搜神記所本矣

魏朱岱林墓志跋

魏朱岱林墓志子敬脩撰猶子敬範撰銘正書武平二年二

月在山東壽光劉村潛研堂跋尾山左金石志古志石華平
津讀碑記金石續編均著錄諸家攷證甚詳按岱林兄元旭
魏書有傳志云曾祖霸儒該邱素術盡從橫魏使持節平州
諸軍事安遠將軍平州刺史俗鄰疆場布以威恩醇酒空陳
夜金不受謗言及樂讒巧飛郵翻然鵲起擁鄉里三十餘戶
來逝河南與元旭傳云祖霸真君末南叛投劉義隆相合惟
史不書霸官又以曾祖爲祖或傳寫效曾字當以志爲正魏
平州治肥如是時宋之疆域奄有青齊與平州越海爲鄰霸
投宋遷居樂陵迨魏定三齊樂陵已入魏境故子孫仍爲魏
人也

隋啟法寺碑跋

隋啟法寺碑周彪文丁道護正書開皇四年原石久佚宋拓
本今藏臨川李氏按啟法寺隋開皇初建宋爲龍興寺文云
道安法師所造銅象攷輿地紀勝龍興寺在襄陽縣西北三
里有金銅象雍州記釋道安所立與碑合文又云泰始四年
苻丕口長安秦口曰昔晉氏平吳利口二陸今口襄宛獲一
人口半蓋指道安及習鑿齒也晉書習鑿齒傳道安自北至
荊州與習鑿齒相見道安曰彌天釋道安鑿齒曰四海習鑿
齒苻堅陷襄陽道安與習鑿齒俱與並致焉習鑿齒蹇疾堅
與諸鎮書曰昔晉氏平吳利在二陸今破漢南獲士裁一人
有半耳碑卽指此事文又云總管大將軍千金公攷爲權景
宣周書景宣傳天和初授荊州總管十七州諸軍事荊州刺

史進爵千金郡公撰文者周彪古刻叢鈔有彪撰陳詔志蓋亦能文之士而嚴鐵橋全上古三代秦漢三國南北朝文不收殆未見拓本也

隋淳于儉墓志跋

隋淳于儉墓志正書開皇八年十一月在山東濟寧州學志云出身爲魏廣陽王開府記室永安元年加殄寇將軍又云春秋六十三自永安元年戊申至開皇八年戊申甲子一周是儉卒在前至少亦二十餘歲已在北齊之末儉冀州清河人攷隋之清河舊曰武城魏屬司州周屬貝州并置清河郡開皇初省州郡以縣屬冀州志據隋之疆域而言若魏之清河已改清陽矣臨沂魏志屬鄒郡魏廣陽王永安時爲嗣廣

陽王深次軻川淳于髡事駟馬用于公事按之姓氏書引風俗通云淳于氏春秋時小國子孫以國爲氏若干氏廣均以爲周武王子邾叔之後絕不相蒙而志牽引敘入不學可曠隋信州舍利塔下銘跋

隋信州金輪寺舍利塔下銘同治癸酉夔府修城所得也據唐沙門道定廣弘明集載仁壽元年六月十三日立舍利塔詔其略云朕皈依三寶重興聖教思與四海之內一切人民俱發菩提共修福業使當今見在爰及來世永作善因同登妙果宜請沙門三十人諳解法相兼堪宣導者各將侍者二人并散官各一人薰陸香一百二十斤馬五匹分道送舍利往前件諸州起塔其塔所司造樣送往當州僧多者三百六

十人其次二百四十人其次一百三十人僧少者盡見僧爲
朕皇后太子廣諸王子孫等及內外官人一切民庶幽顯生
靈各七日行道并懺悔率土諸州僧尼普爲舍利設齋限十
月十五日午時同入下石函總管刺史已下縣尉已上自非
軍機停常務七日專檢校行道及打刹等事務盡誠敬稱朕
意焉是歲分送舍利之州三十今存青州同州二銘王劭感
應記仁壽二年正月復出舍利分布五十一州建立靈塔以
四月八日入石函今存鄧州塔銘一茲信州金輪寺塔亦二
年四月八日所建銘稱武元皇帝元明皇后開皇元年二月
乙丑追尊見隋書紀奉節本巴東郡縣曰魚復西魏改曰人
復梁置信州後周總管府開皇初郡廢大業元年府廢復置

巴東郡正今奉節地也

隋大業鐵鑊跋

隋大業鐵鑊陽文正書按玉泉道場智顛禪師所居皇甫昆
智禪師碑有云往以僞陳納款受律行師策妙指蹤威稜江
海遂剋定金陵化平銅柱三吳霧卷百粵塵清師乃因王利
涉王遂因師受戒師至此而投院王因之而起寺則道場當
建於開皇時也當陽隋地志屬南郡

隋李文墓志跋

隋左武衛將軍吳公李氏女墓志吳國公尉遲安第三女也
祖綱周書有傳字婆羅尉遲迴之弟綱以西魏大統四年與
蔡祐常善辛威李惇陸遇並進公十四年進昌平郡公據西魏書

封爵 周武成元年進封吳國公安以第三子紹封位柱國附
表 綱傳魏書官氏志太和二十年正月詔改國姓曰元氏於時
代人並詔改姓尉遲氏改稱尉氏史稱尉遲從其始也當以
碑爲正非史太和十九年詔遷洛人死葬河南不得還北於
是代人南遷者悉爲河南洛陽人長安志雲際山大定寺有
李順興先生古記云其地舊有寺周武末廢大業中以此地
賜駙馬都尉吳國公尉遲安爲柴莊攷隋書百官志上駙馬
都尉以加尙公主者無班秩周書安弟敬尙世宗女河南公
主安未尙主長安志誤碑書罕作罕干祿字書俗字禾古窳
字綱作經隋作隋備作備希作希臺作臺蕭作蕭鼎作斯稚
作稚筵作筵皆字體之異志與銘兩用硃石古人不拘如此

隋鼓山石窟殘碑跋

隋鼓山石窟殘碑正書隋大業中立在直隸磁州上下俱泐細讀碑文爲郡人頌縣令紹父修佛龕功德姓名劍泐僅存河東桑泉人五字年月亦闕因文中有關皇十七年字王庶常懿榮南北朝碑考卽繫之十七年攷桑泉今河東臨晉治左氏傳入桑泉卽此隋地理志桑泉開皇十六年立是時罷河東郡屬蒲州大業三年廢州復改河東郡此云河東桑泉人是據大業復郡而言若開皇十七年當云蒲州桑泉不當云河東桑泉也縣平正卽中正隋諱中字通考魏司空陳羣以天臺選用不盡人才擇州之才優有昭鑒者除爲中正自後人才銓定州郡皆置吳有大公平亦其任也碑字開三龕

記石淙詩之先惜殘缺太甚

唐益州功曹參軍張^玄弼墓志跋

唐張^玄弼墓志李行廉撰正書在湖北襄陽張公祠

下十一石均同

志云闕闕遊宦之資詳之碣文別傳則^玄弼固有墓碑此其埋諸土中者也碑碣不存或踏毀於神龍年間趙德甫書載有柬之碑係貞元十二年所追立谷邗律新舊書有傳魏州昌樂人嘗爲國子博士遷諫議大夫兼^弘文館學士卅四家四十作卅黃山谷澹山巖詩二十作廿瞿氏謂詩體七字欠一字便不成句此志卅四家句與上五十五部爲對偶亦欠一字可見古人不拘拘於是也簣卽簣字箱類與篋同義委蘆疑卽委宛撰文者李行廉官司元大夫攷龍朔元年改諸

司郎中爲大夫二年改戶部爲司元光宅元年改地官此志尚稱司元者蓋行廉撰⑤弼墓銘尚在窆南山之時故無一語及其夫人迨移與夫人合葬仍用前銘而東之自加序文故云東之等不敢改易謹刊李銘也觀此又可知序文爲東之所撰矣志又云奉夫人遺誨使改卜新塋府君先窆南山今移與夫人合葬於安養縣西相城里之平原而景之志云以大周天璽之三季⑥六⑦改卜先墳於安養縣之西相城里則此志之立亦在天授三年無疑永昌無三年永昌三年卽天授二年辛卯夫人卒於辛卯九月葬於十一月時用周正以十一月爲明年正月也武后以天授元年改國號曰周志書永昌不書天授標題稱唐不稱周東之誅武復唐之

意已蓄於此時矣

唐處士張景之墓志跋

唐張景之墓志正書景之漢陽王柬之之弟志稱功曹府君者卽^玄弼也云移諸兄弟並窆於新塋之內者謂慶之敬之也景之及其子嶠其孫述均可補世系表之闕此志卽柬之所撰^玄弼志云惟柬與晦僅存喘息此云余與晦之以是知之文云大周天授而蓋題大唐柬之誅武之義已蓄於此三年正月卽二年十一月時用周正也後三志同

唐孝廉張慶之墓志跋

唐張慶之墓志正書慶之亦柬之弟世系表亦不載慶之辟孝廉不赴而志蓋仍題孝廉字非實也

唐將仕郎張敬之墓志跋

唐張敬之墓志正書敬之亦柬之弟表亦不載又按^①彌志云惟柬與晦僅存喘息此志云執奠惟弟紀德乃兄則晦之乃敬之之第四兄其名無從攷矣云紀德云操觚則此亦柬之所撰也竊謂慶之志亦柬之所撰可意會而得之志述城上烏一詩可供早慧之典故

唐著作郎張漪墓志跋

唐張漪墓志正書石藏桂林唐氏志首行有姪子愿述字是撰文者爲張愿漪之從子也新唐書張柬之傳以愿爲柬之子宰相世系表以愿爲漪之子二者互異而皆誤也漪四子表失載孚名此志敘先世云四代祖策從後梁宣帝入西

魏表作①策字真簡衛尉卿洮陽閔侯志僅言策者避太子
②諱猶袁③機之稱袁機也表不言魏者當是魏未受官之
故張點志又云六代祖策去西魏自南齊遷宦奔葉因家樊
沔表不言齊與不言魏同張軫志又云五世祖策隨梁北歸
寓居襄陽因爲此土舊族詳略各殊尚無不合張曠志又云
五代祖策梁岳陽王諮議參軍贈持節蔡州諸軍事蔡州刺
史則與表所稱衛尉卿洮陽閔侯者不符當以志石爲正漪
舉長材廣度科見於玉海終唐之世膺是選者只漪一人唐
時制科名目不下六十餘選舉志不具備也志云狡童怙寵
云盜有巨力云勦其凶邪有以興復卽誅二張事攻東之引
疾在神龍元年新書傳云漪以著作佐郎侍父襄陽志云表

乞扶持與史昭合惟據志已投大著作而傳猶稱佐郎是新書之誤舊書傳無佐字志云無幾而太妃薨又云未卒哭終於倚廬是漪之卒當在⑤宗初年此志立於開元廿一年者因其夫人李氏合葬而追述之也舊書傳云柬之特授襄州刺史又拜其子漪爲著作郎令隨父之任柬之至襄州有鄉親舊交抵罪者必深文致法無所縱舍子漪恃以立功每見諸少長不以禮接時議以爲不能易荆楚之剽性焉志云疾君蠹政上害苗書是漪亦錚錚有聲者向非此志之顯於後代漪亦徒有惡名矣志用詩句碩人之蒿攷毛詩作適韓詩作過此作蒿或本於齊魯兩家可補引經異文之一條說文無蒿字又可知適蒿同字當用適爲之也篆當卽券字通變

適宜變字添註於通適二字之間而雅素恆眞上行一而字
口絕薰味薰葷字古通儀禮士相見禮膳葷注云古文葷作
薰漢霍去病傳所獲葷允之士注云葷與薰同文選養生論
薰辛害目注云薰與葷同又禮記內則注一熏一膻卽一薰
一猶而釋文云薰本作葷亦一佐證

唐河南府參軍張軫墓志跋

唐張軫墓志呂巖說撰正書志稱軫官河南府參軍與世系
表合銅字不見於今字書蓋卽扁之俗體爲寵爲光卽詩之
爲龍爲光也可補入詩異同考詩長發何天之龍箋云當作
寵太戴記引正作寵易師承天寵也釋文云寵王肅作龍皆
其證佐

唐秀士張點墓志跋

唐張點墓志正書點東之之孫嶧之子愿之弟也宰相世系表不載其名志敘先世云九代祖貞從西晉入東晉據世系表所載點之九代祖名與不名貞又別無名貞者此與表異張軫志亦云九世祖貞仕宋南徙軫於點爲同祖昆弟疑表有誤然此云入東晉彼云仕宋所述又復異辭據表所載仕宋爲濮陽太守者名次惠於點與軫爲八世祖亦不脗合闕疑可耳又云六代祖策去西魏自南齊按策表作①策係點之五代祖漪志稱四代祖軫曠二志並稱五代祖此作六者誤又表載仕齊爲鎮西將軍者乃②籍非③策也蓋亦誤矣瘞于私第之瘞當是卒字之誤

唐鄆城縣丞張孚墓志跋

唐張孚墓志姪繹述正書地理志鄆城屬許州此志云豫州鄆城縣者長慶元年始以鄆城隸許州也志於鄆城下云武德四年以鄆城邵陵北舞西平置道州貞觀元年州廢省邵陵西平入鄆城隸蔡州按貞觀間尚稱豫州至寶應元年始改爲蔡州此志立於開元廿八年故稱豫州鄆城縣焉後此四十年復置澠州又後五年乃廢澠而隸蔡州又後四十五年乃隸許州

唐河南參軍張軫妻邵氏合祔志跋

唐張軫妻邵氏合祔志丁鳳撰正書張軫元七編錄此其夫人合葬之志也敘軫事蹟兩志略同惟此志云進士甲科前

志云擢秀才爲異耳前志云嗣子緝紹等此志云嗣子曰緝
曰緝緝當卽紹之改名者世系表均不載地理志襄州鄧城
下云本安養天寶元年曰臨漢此志刻於天寶六載猶稱安
養則志謂天寶元年改者未確矣宋古肉字見於淮南子吳
越春秋諸書漢碑又作突本州下缺一字據史知是刺字補
訪碑錄載張軫志不注撰人名而以此志爲張軫第三志標
題矣復以軫志撰文之呂巖說注此志之下而顛倒其名誤
之誤者也

唐穀城令張燠墓志跋

唐張燠墓志崔歸美撰屈賁正書燠之子珣瑤瑒皆世系
表所未載張氏諸志敘述先世此爲最詳策官岳陽王諮議

參軍與表迥異玠表作蘇愿官江南東道采訪使表無南字
皆當以石爲正曠爲愿之弟入子其諸兄名無致表載有照
官殿中侍御史者當是曠之兄表以愿爲漪之子故以照爲
漪之孫誤也表又載有繹蓋卽曠之誤不言其爲穀城令者
漏耳志敘曠懷表詣闕一事卓卓可傳而不見於史冊據志
所敘在貞元錄舊臣子弟之後而張柬之傳云景雲元年謚
曰文貞失實矣柬之贈司徒在建中年間傳亦未載志首行
標題云文貞公曾孫此爲創例尚直甄豆盧遜志皆冠父爵
於上者以其無爵也曠官穀城令有爵矣而冠以曾祖之謚
殆以柬之之謚因曠之抗表而始錫故特以加於官爵之上
以表其行蹟耳曠卽暴腮字是臭之俗見玉篇

唐新定太守張卬墓志跋

唐張卬墓志正書志敘卬之先世云曾祖則隋毗陽縣令與世系表及張漪志稱澧陽令者不同張曠志又稱比陽澧陽二縣令蓋先令比陽後令澧陽此稱毗陽於例不合隋書比陽屬淮安郡後魏曰陽平開皇七年改饒良大業初又改今名比毗之本字楚辭朝搴毗之木蘭兮謝朓詩毗山起朝日廣韻毗山在楚南說文無毗字今得此及張曠志知毗字古人作比後人加阜旁耳又云父晦之桂方正字左率府兵曹參軍世系表失載東之贈越州都督亦不見於史傳當是後來追贈莫考其時或卽在賜諡文貞時也又云夫人隴西李氏相州堯城縣令昭禮之女世系表乾祐下失載昭禮可據

此補之表稱丹陽李氏此稱隴西者從其朔也隴西四房一武陽二姑臧三燉煌四丹陽也又云嗣子回等則肫之子不獨一回故銘詞內有如鳴之育語然不可考但補一回於表而已又按諸志皆云葬於安養縣而此獨稱臨漢者天寶初所改名也

附張氏世表

①策

玠

則

②弼

柬之

漪

孚

純

迪

安之子後周宣隋毗陽字神匡字孟將柬之長漪長子孚子純子
 字真簡納上士澧陽二長安縣相武后子字若字立信據張孚據張孚
 梁衛尉隋巴州令按尉益府中宗漢水穰州隨州司志
 卿洮陽錄事參世表僅功曹參陽王贈武涉尉倉參軍
 閔侯軍按紀澧陽軍贈都司徒諡洛州登豫州郎
 南監本令與張督安隨文貞封主簿城丞
 唐書作漪志合河鄆四左補闕志石今
 經今據今據張州諸軍著作郎存據補

張瞻志册張瞻事安州

志補阡刺史
按志石

今存長

安縣尉

據張瞻

志補贈

都督安

隨沔郢

四州諸

軍事安

州刺史

統風堂文集六

世表解

著作郎

舉景後

之官志

石今存

據補

志

游次子

那王府

據左補

關表紀

左補關

那府掾

據張游

志補

游三子

荆府倉

曹參軍

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軫

軍志

紹

軫次子

據張

軫志補

軫夫人

邵氏志

又作縉

蓋後改

名

煦

嶧子駕殿中侍

部郎中御史

曹婆等

十一州

刺史吳愿入子

郡太守字繼明

兼江南右神武

東道二錄事參

珣

愿長子

嶧愿

乘之次

十四州軍襄州曠次子

采訪黜穀城令

陟使按志璪

據張曠石今存

志補世世表作曠三子

系表以總誤

愿為洵

子誤璪

點 曠安尉

字子敬 按志

石今存 官新書

據補 五王傳

開成三

年詔東

之四世

孫璟為

壽安尉

即此人

而璟誤

作燥舊

景之

嶠

遜

⑤彌二

景之子嶠子

子字仲

據景據景之

陽

按之志補志補

志石今

存

慶之

⑤彌三

子孝廉

按志

石今存

敬之

⑤彌五

子將仕

按

志石今

書不誤

存

晦之

册

回

② 彌六

荆州撫

子册子

子桂方

州參軍

據張册

正字左

太子通

志補

率府兵

事舍人

曹參軍

將作監

册志補

主簿太

彌六子

丞定州

第四子

司馬邢

失名

涇州別

駕梁州

刺史涪

陵零陵

定太守

臨川新

按志

刺史涪

州別

涇州別

州別

駕梁州

州別

刺史涪

州別

陵零陵

州別

定太守

州別

石今存
據補

按志中可見者均表出世表尚有琪晉州刺史以琉璃等名例之當是柬之元孫又漪之子某戶部郎中昇大理評事漪志無此二人當是表誤

唐大房山孔水投龍壁記跋

唐大房山孔水投龍壁記張湛詞正書石出房山今歸余家序云開元廿七年己卯三月府城西南有大房山孔水自廿三年內供奉呂愼盈奉勅投龍壁廿四年又投壁至是而三矣按道家有金龍玉簡學士院撰文具一歲齋醮投於名山洞府則龍璧爲二物金石錄所載雲門山投龍詩北海太守於天寶元默歲下元日投金龍環壁於此山是也今泰山亦

有神龍元年劉恩義投龍造象記蓋唐時風尚又按耶律成
仲雙溪醉隱集有畱題大防山孔水詩序云唐明詹記大
寺孔水云或有人浮輕舟探邃穴入瀕洞莫究其源但有仙
鼠晝飛頰鱗時見又遼書昌五年飛冥子鮮于鴻作孔水銘
其序云按幽州土地記沙門惠珍嘗篝火入經五六日方還
亦不測其淺深也安知此水不與瑤池潛通桃源相接乎故
開元天子每每時雨降必遣使投龍璧於此則休應響答事
存諸往記焉山主如上人言洞有白龍時復出見輒化爲魚
形狀絕異泰和乙丑冬忽流桃花花片皆五錢計至今洞中
且有樂音不絕此孔水之大概也張守珪唐書有傳

唐高士鄭忠墓碑跋

唐高士鄭忠墓碑明詹撰成巖分書在武清縣前人未著錄
光緒八年武清令蔡壽臻搜得之忠武清人安史之亂安祿
山僞授長豐尉史思明僞授東光縣丞壬寅年沒爲肅宗寶
應元年史朝義之二年乙巳歲葬爲代宗永泰元年則史氏
平二年矣碑言高祖羅漢武清令屬隋室土崩豪傑雲起有
若竇建德者聚兵稱亂圍逼武清時獨堅守孤城確固臣節
神堯■壯之加右衛大將軍宰縣如故按新書地理志武
清本漢雍奴縣天寶元年更名隋時焉得有武清令蓋撰文
者以當時縣名加之實隋雍奴令也通鑑建德於隋大業十
二年稱長樂王滅於唐武德四年其圍雍奴事不見於史蓋
在武德二年遣大將高士興擊李藝於幽州屯火籠城時也

忠高尚其志優游山林遭遇世變連受僞命蓋耿仁智張不
矜之流亞並非甘心從逆實不能先自引決耳明詹成巖均
人姓名鄧名世古今姓氏書辨證明出自姬姓孟明視之孫
以王父字爲氏明僧紹見南史唐有諫議大夫明崇儼成出
自莘姓令尹戒得臣以王父字爲氏其後有成虎漢成雄居
上谷今尚有此二姓元耶律鑄雙溪醉隱集引唐明詹大_(曆)
寺孔水記蓋當時能文之士

唐宋儼墓志跋

唐宋儼墓志正書新出昌平土中蓋朱滔之偏裨陣沒於恆
山之戰者志云完戎朱公又云冀國王卽朱滔也滔建中三
年自稱冀王志又云建中二年三月出薊城親領甲兵收掌

桓寔圍深州六月破恆定節度張惟岳十萬餘人按通鑑
建中三年正月成德節度使李寶臣卒子惟岳求旌節不許
惟岳與田悅連兵拒命詔馬燧討悅又詔幽州留後朱滔討
惟岳滔攻東鹿拔之圍深州又戰於東鹿下惟岳大敗皆與
志合李寶臣本張忠志賜姓名故云張惟岳也志又云國家
負德不與功勳反禍燕帥受太原河東節度馬燧惡奏先領
朔方兵甲隴右道李懷光領秦兵及殿前兵馬廿餘萬屯營
魏州御河西側通鑑滔求深州不許由是怨望遂與武俊東
救田悅是時河東節度使馬燧昭義節度使李抱真神策先
鋒都知兵馬使李晟共圍魏屯御河上又詔朔方節度使李
懷光赴之皆與志合志又云建中三年三月至魏貝相去秦

兵半里六月廿日大破馬燧兵馬廿餘萬積屍徧野血流御
河通鑑朱滔王武俊至魏州是日懷光軍亦至懷光乘其營
壘未定欲擊之馬燧請休不聽遂擊滔於樞山之西殺步卒
五千餘人武俊引三千騎橫衝懷光軍軍分爲二滔軍繼之官
兵大敗燧人永濟渠溺死者不可勝計其積如山水爲之不
流燧懼卑辭謝滔求與諸節度歸本道志中所云皆是實錄
並非夸大之詞而儼卽陣沒於是日通鑑考異云實錄六月
辛巳朱滔王武俊至魏州是日懷光亦至七月庚子馬燧等
四節度兵退保魏縣燕南記六月朱滔王武俊懷光俱至懷
光卽欲戰馬燧抱真不得已從之七月六日懷光等擊滔勝
之尋爲武俊所敗其夜決河水絕懷光西歸之路明日水深

三次餘燧等舉辭退保魏縣按長曆六月壬子朔七月壬午朔辛丑爲六月三十日庚子爲七月十九日酒與懷光至魏之日酒營壘尚未立懷光卽與之戰豈得至七月六日戰於樞山之夜武後決水明日燧等卽退保魏縣豈得至十九日疑退師過遲情事不合因謂實錄之燕南記所載日皆不可采今志申明言戰於三十日是實錄之戰日可據舊唐書馬燧傳六月晦懷光至軍至之日未休息堅請與酒等戰不利悅等決水灌燧軍燧兵屈糧少七日燧與諸軍退次魏縣是則燧戰敗於三津汭是日辛丑七月七日退保魏縣是日戊子實錄之庚子乃戎子之譌不得妄無據燕南記則誤甚御河卽隋煬帝開永濟長豐本秦漢之利豐縣高齊廢唐開元

十年於文安縣三十里復立利豐縣又以縣北有長豐渠遂
改各在合文安縣境中志國家背德及夫破燧兵昌言無忌
是時河朔之人知有節度不知有天子習俗移人至於如此
可憫也夫

唐焦兢神道碑殘石跋

唐焦兢神道碑殘石新出長安按趙氏金石錄一千六百五
十本焦兢碑從弟郁撰任獻能行書貞元十八年二月卽此
碑也撰人名十八年三月均尚存書人名貞元年號均在亡
缺之中矣焦兢不見於新舊唐書兢本將家子遭安史亂河
北得武功晉秩官至左神威將軍碑云前射生左虞候又云
宜署美名因改爲左右神威軍按唐書至德二載擇便騎射

者置衙前射生手千人亦曰供奉射生官又曰殿前射生手
分左右廂總號曰左右英武軍代宗卽位以射生軍入禁中
清難皆賜名寶應功臣故文號寶應軍貞元二年改殿前射
生左右廂曰殿前左右射生軍亦置大將軍俄又改曰左右
神威軍皆加將軍二員與羽林龍武神策總曰十軍未
置將軍時以左右虞候領之號先官左虞候及置將軍卽以
爲左大將軍也官正三品雲麾將軍御史大夫正四品階高
平郡主二品爵均與碑合號蓋官正三品階正四品爵二品
也碑首敘焦氏得姓之始焦與譙通出自姬姓黃門譙敏碑
引先人國師焦貢左傳楚師伐陳取焦夸注謂焦今譙縣是
氏族略云左傳曰虞虢焦滑皆姬姓也爲晉所滅子孫以國

爲氏又有姜姓之焦史記周武王褒封神農之後於焦注地理志(弘)農陝縣有焦城故焦國春秋時爲陳邑楚滅之廣韻云神農後以國爲氏碑文已缺不知其敘述若何矣

唐陳立行墓志跋

唐幽州兵曹參軍陳立行墓志李儉撰于全益正書石出於京師碑云皇唐四周甲子歲在丁丑按唐高祖受命建號歲在戊寅至高宗儀鳳二年丁丑爲甲子一周(立)宗開元二十五年丁丑爲甲子再周德宗貞元十三年丁丑爲甲子三周志言大中十一年丁丑爲甲子四周陳君年五十有八由丁丑上溯系生於貞元十六年庚辰志中有云從事韋雍死於亂鋒琴瑟併命老母弱子拘諸佛寺音信不通燕蘇不藥君

與其弟遊○咎瘞其遺骸慰其○耄書乞州里夜餉饗
餐進恐吏訶退憂○詔訪遺類官給葬事亡者免飭於烏
鳶存者復歸於鄉井名教○豪傑尚其義此又難之尤
者按通鑑長慶元年張○靖鎮幽州判官韋雍輩多年少輕
薄之士嗜酒豪縱復裁刻軍士糧賜繩之以法數以反虜詬
賣吏卒謂軍士曰今天下太平汝曹能挽兩石弓不若識一
丁字由是軍中人人怨怒七月韋雍出逢小將策馬衝其前
導雍命曳下欲於街中杖之河朔軍士不貫受杖不服雍以
白○靖○靖命軍虞候繫治之是夕士卒連營呼譟作亂將
校不能制遂入府舍掠○靖貨財婦女囚○靖於薊門館殺
雍等舊唐書列女傳韋雍妻蕭氏聞難號呼專執夫袂左右

格去以死不從及雍臨刃蕭氏涕而告曰妾不幸年少義不苟活今日之事願先就死執刃者斷其臂而殺雍蕭氏詞氣不撓雖凶悍圍視無不嗟歎其女蕭氏亦卒大和六年節度使楊志誠表明其事因降敕追封蘭陵縣君事與志合惟不言雍之老母弱子並立行周旋之事耳立行軫念故友風義不愧古人克融作亂於長慶元年立行年二十有一昭雪於大和六年立行年三十有三皆在未仕以前立行及其祖父暨夫人之父柳楚皆無史傳可攷撰文之李儉書石之于全益亦無傳張仁憲碑亦李儉所撰彼碑署銜僅存上柱國三字卽此李儉也唐書宰相世系表肅宗相李揆之曾孫有名儉者不言官職未識卽其人否

唐澗好問墓誌跋補遺其人否

唐御史中丞澗好問墓誌姪周彥撰正書在涼師西直門外
出在補訪碑錄云此志出並僅拓數紙出入埋之遂不可得
審視拓本鐫有藏常山李氏成蹊家宗搨叔所言未確撰文
者好問之姪彌叔以爲周彥恭撰文亦誤據敘文好問官終
於幽州司馬而標題不著又有烏台正語豈幽州司馬之
後又嘗爲御史中丞故首句云中丞諱好問第令字雖缺要
爲中字無疑志云會昌中燕帥贈太尉蘭陵張珪王考爲張
仲武舊書列傳仲武歷官至司徒中書門下平章事諡曰莊
而不言贈太尉可以補史之闕志又云珪正嫡直方以戶部
襲位情娛弋獵性樂微行常以讜言維持於宿衛明年冬諫

戶部吐以血誠請覲龍闕按皇甫枚三水小牘云咸通庚寅
歲盧龍軍節度使檢校尚書左僕射張直方抗表請修入覲
之禮優詔允焉先是張氏世莅燕土民亦世服其恩禮燕臺
之嘉賓撫易水之壯士地沃兵庶朝廷每姑息之洎直方之
嗣事也出綺紈之中據方岳之上未嘗以民間之休戚爲意
而酣酒於室淫獸於原巨賞狎於皮冠厚寵集於綠幘暮年
而三軍大怨直方稍不自安左右有爲其計者乃盡室西上
至京懿宗投之左武衛大將軍觀此志知勸直方入覲者爲
好問矣志又云莊王猶子德輔潛祈大福陰構禍階爰從東
第直臨正寢乃披堅執銳從辰洎申威掠前鋒血盈左脅新
舊唐兩書列傳均不載此事據張仁憲神道碑德輔系張仲

弑子故府燕國公爲張允仲令府僕射爲李茂勳埭橋爲宿州治通鑑二百五十一胡三省注憲宗元和四年析徐州之符離蘄泗州之埭置宿州治埭橋在徐州南界安塞軍納降軍軍府名均見新書地理志

唐大德塔銘跋

唐故信州懷玉山應天禪院尼禪大德塔銘正書石出揚州序云尼善悟廣陵人嫁許實三十年而實逝乃剃髮受戒爲尼乾符六年歸寂於信州懷玉山應天禪院生男二人收骨起塔於江陽縣以廣明元年歸焉按唐信州乾元初置太平寰宇記云乾元元年江淮轉運使元載奏割饒州之弋陽衢州之常山玉山建州之三鄉撫州之三鄉置信州以信美爲

名懷玉山一統志在玉山縣北一百二十里高四百餘丈盤互三百餘里界循饒信三郡當吳楚閩越之交爲東南望鎮相傳異光燭天一名輝山唐賈耽云其山上干天際勢連北斗又名玉斗山循山之麓升降凡十有五里至大洋坂地寬廣約數百畝而奇峯峻嶺怪石深池環列於前後左右山靈之窟宅也乾符爲唐僖宗年號六年正黃巢由廣破潭攻江陵鄂州轉掠饒池信宣歙杭十五州眾二十餘萬與序所云狂寇蟻聚往還皆徑其旁一無驚畏卽其時也

宋轉運使李先等干佛崖題名跋

宋李先等干佛崖題名按李先宋史有傳云先字淵宗兌之從弟許州臨潁人起進士爲虔州觀察推官歷利梓江東淮

南轉運使題名正爲利梓轉運使時也宋景文集有答勸農
李淵宗嘉州江行見寄詩史炤宋時有三中輝潁昌人嘉祐
中提舉常平乃文彥博嘗從受學文潞公集有奉寄中輝大
卿史詩金石萃編嘉祐中提舉常平史炤奏上堰法獲降敕
書刻於蜀右堰上養新錄熙寧四年前知襄州史炤言開修
古渟河一百六里灌田六千六百餘頃續通鑑長編光祿卿
史炤知邗州上謂執政曰炤在襄州於水利甚宣力宜優獎
以勸眾皆此史炤一字見可眉山人卽撰通鑑釋文三十卷
者其仕履不甚著釋文題銜云右宣義郎監成都糧料院馮
時行釋文序云嘉祐治平間眉山三卿爲搢紳所宗東坡兄
弟以鄉先生事之見可卽清卿之曾孫也馮作序在紹興三

十年而云年幾七十好學之志不衰是其人當生於元祐末
年而終於孝宗時後此史炤約數十年一歲淳中官利州路
都統制則更後瞿氏書目以見可爲利路都統則與釋文序
不合三巴舊古志以中輝爲眉山人則又因見可而誤杜師
益書錄解題有雷澤杜師益著杜公談錄一卷錄其父務滋
之言也元繼能干之馮惲公謹傳直子諒無攷

宋壽昌縣君胡氏墓志跋

宋壽昌縣君胡氏墓志正書額篆書光緒丙申出於予家
迤北濱江里許由中蓋志完好無缺同時耕人得視一椀一
水注一墨一均爲人搜去互相傳說以爲得寤幾成獄訟志
亦屢埋屢拾又爲人剖志之半以去予屬族弟晉初致之家

宋大洪山^淳禪師塔銘韓韶撰韓皓書韓昭篆額在湖北隨州按^淳禪師劍州梓潼人今宋史地理志梓潼屬隆慶府系孝宗時升本劍州也韓韶韓昭一管句成都府國^寧觀一提點西京嵩山崇福宮攷宋會要宮觀使有使副使判官都監提舉提點管句等職熙^寧二年十二月詔宮觀差遣不限員數差知州資序人以上須精神不至昏昧堪任釐務者充以三十箇月滿替三年又詔杭州洞霄宮永康軍丈人觀亳州明道宮華州雲臺觀建州武夷觀台州崇道觀成都府玉局觀建昌軍仙都觀江州太平觀洪州玉隆觀太原府興安王廟今復並依崇福宮置管句或提舉官國^寧卽玉局觀也恩禪師碑立於政和三年書人承議郎致仕武騎尉^韶韶卽此

碑撰文之韓韶殆致仕而奉祠者

宋曹輔墓志跋

宋曹輔墓志楊時撰陳淵正書李經篆蓋吾友荆履卿檢討
得於陝肆志當出福建然各家未著錄想久佚矣按龜山先
生文集卷三十七有是文取明萬曆刻本與碑相校有脫去
者如第七行上曰今日所慮正在金虜公曰有賢相則金虜
無足慮也集本脫上曰至無足慮也廿二字第十四行而不
知移禍於異日異日之禍將使天地易位脫異日之禍四字
第十八行三鎮之求復尋前約脫之字第廿三行不知決水
灌之脫之字第廿三行恪堅持之不出亦脫之字當據碑補
有衍者第六行除南外宗室財用南上符主管三字第十八

行左右二輔臣議不協二上行字第廿二行公稱謝卽奏
稟輕儼不可任謝下行申字第三十立行臨奠夫火張氏再
辭免再上行字當據碑刪有誤者第三行編管郴州與宋
史本傳同柳作彬誤延康殿學士學作主誤第四行字載德
與宋史本傳同載作戴誤第五行除一司勅令所刪定官司
作月誤第十三行大金意欲得市六字徽號徽誤故字第廿
一行臣直疊上誤疊疊第廿七行虜再邀鑿輿出郊再誤欲
字按是時宋帝第三次入敵營遂非狩再字是也第三十三
行初娶鄧氏鄧作鄭當據碑改正第廿七行車駕翌日出青
城青城集作郊第三十五行振飢振作賑則兩通也
曹輔宋史有傳所載歷官與碑相合史言輔諫微行并草疏

召其子繼付以家事觸王黼怒編管郴州史甚詳而碑以渾括出之至召對各事諫北銖片疏議和戰一疏極爲蹇諤固始終不改其節者可以補傳之缺史敘官云以通仕郎中問學兼茂科歷祕書省正字上書謫郴州召爲監察御史守殿中御史除左諫議大夫御史中丞拜延康殿學士簽書樞密院事未幾免簽書碑云中進士第調福州_監德縣尉升壽州安豐縣主簿改通仕郎試中詞學兼茂科特轉文林郎除一司勅令所刪定官改宣教郎乞補外通判安肅軍轉奉議郎除南外宗室財用除祕書省正字轉承奉郎編管郴州移袁州召爲御史遷諫議大夫給事中除御史中丞延康殿學士簽書樞密院事比傳爲詳北盟會編大理少卿聶守獻言請

決蔡河汴河水合灌摩駝岡摩駝岡者前金人不寨處地勢卑下既爲水所灌注金人乃盡占高阜之地據志輔欲先出兵占高阜之地虜當駐兵低處而後灌之唐恪不肯出兵河水既決虜無損傷而城圍因水愈密矣彙編又引朝野僉言二酋遣使乞令人召康王回土遣簽書密院曹輔由京東詣河北迎康王于曹輔衣襟上以礮書爲詔數日取曹州守臣軍令狀回稱不知康王所在與志合輔貫南劍州沙縣攷宋地理志南劍州劍浦郡軍事太平興國四年加南字沙縣爲其所屬福州大都督府德德爲其所屬均屬福建路壽州政和二年升爲壽春府安豐爲其所屬紹興十二年升安豐爲軍輔爲主簿時安豐未升軍壽春未改府也屬淮南西路安

肅軍景德元年改屬河北西路郴州桂陽郡軍事屬荆湖南
路興仁府本曹州建中靖國元年改賜軍額曰興仁崇寧元
年升爲府大觀二年升督府政和元年復爲輔濟州濟南郡
均屬京西路南京大中祥符七年建應天府爲南京志蓋未
見陳淵李經無攷李經官建康府教授而景德志未載

宋建炎復江陰軍牒跋

宋建炎二年江陰復軍牒淳祐七年知軍陳鑄刻在縣署三
門壁內江陰改軍高宗紀不載攷宋史地理志江陰軍同下
州熙寧四年廢爲縣隸常州建炎初以江陰縣復置軍今觀
此牒知復軍額在二年未嘗月矣結銜守右丞朱守左丞顏
守右僕射不署姓考宰輔表建炎二年守右丞朱勝非守左

丞顏岐正議大夫守右僕射則注伯彥也官尊故不署姓皆
與碑合雄節崇節兩指揮皆駐江陰禁廂兵東西三寨申港
石牌皆見宋無志狀言勞賊條過指宣和間方臘作亂又言
西賊驚劫常州至鎮注府致高宗親建炎元年九月賊趙萬
入常州執守臣何袞又陷鎮江府守臣趙子崧棄城渡江十
月王淵張俊誘萬等誅之卽指此事是月兀朮入建康韓世
忠自鎮江引兵之江陰軍想見烽火接天殘黎結壘防託牢
固方免侵犯錫之軍額以保巖疆亦經國者之要務也江陰
志亦載從父老胡崇之請復爲軍而不錄此碑金石各家亦
未著錄己丑冬猶子志名搜得之手拓以歸江陰古碑日少
得此如獲一眞珠船矣因遣工打十數本分餉海內同志

宋紹興復江陰軍牒跋

宋紹興三十一年江陰復軍牒在建炎牒碑陰余拓建炎牒打碑人沙君士瓚爲言碑陰亦有文字因薙榛莽發瓦石出而視之則紹興牒也紹興復軍高宗紀亦不載宋地理志江陰軍建炎初復置紹興二十七年廢三十一年復置李心傳繫年要錄云紹興二十七年廢江陰軍爲縣隸常州仍屯兵三百八十人以知縣兼軍使紹興三十一年十一月新知嚴州楊師中知江陰軍填復置闕江陰比廢爲縣至是復之與碑合結銜參知政事楊尚書右僕射同中書門下平章事皆不署姓攷宰輔表紹興三十一年三月壬午楊椿自兵部尚書兼權翰林學士除參知政事庚寅陳康伯自右僕射授左

光祿大夫遷左僕射同平章事朱倬自參知政事授左通奉大夫遷右僕射同平章事皆與碑合顏紹攷江陰志云紹興三十年來任林安宅無攷江陰瀕臨大江與鎮江一帶聲援相接建炎之初未罹兵燹長江天塹最爲扼要之地復縣爲軍屯兵聚糧捍衛商旅捕捉盜賊民人日見富庶錢物亦易椿辦自此以後遂不復廢自宋迄今凡畱意江防者皆爲重鎮焉

宋預禪師塔銘跋

宋大洪山慧照禪師塔銘榮巖撰吳說正書在湖北隨州道楷禪師見靖康二年碑銘慶預卽其弟子也文云預居隨之大洪山羣盜環山如林預恬不爲意日據繩牀頤指聞暇外

飭其徒之強毅者固守圍以折豺虎之衝內帥其徒之靜專者謹禪誦以覲國威之立與山巋然不拔所活何止萬人攷輿地紀勝云大洪山慈忍靈尊者道場在州西南隅以峰巒奇絕舊爲奇峰寺後改爲靈峰寺今爲崇德保壽禪院山崛起一方巉然雲間四面斗險絕頂峰巒崖石中有大湖寺人經行數常見雲氣在下靖康避寇之人立寨柵自保賊竟不能破以斗絕不可躋攀也繫年要錄紹興元年襄鄧鎮撫桑仲以其將李道知隨州闕守通判王彥威與州縣官皆寓洪山寺主僧慶預守洪山以扼賊道至隨遣彥威以歸遂掌州事慶預京山人也雲麓漫鈔云建炎紹興初隨陷於賊而山中能自保有帶甲僧千數事定皆命以官汪藻外制

有大洪山僧守珍補承信郎誥汝營壁隄鄉閭繫年錄以爲恐與慶預事相關以碑證之事蹟略具雪嶠在侯官紀勝云雪峰寺在侯官縣西百餘里地勢高多寒雪故名唐咸通中眞覺禪師居之宗風甚盛太平興國三年賜名崇聖院宋遂禪師塔銘跋

宋大洪淨嚴和尚塔銘馮楫撰吳說行書在湖北隨州按文云郡東雙泉禪院虛席隨守袁公灼命師出世考傳燈錄襄州雲蓋山雙泉院曰西雙泉以隨州雙泉院爲東雙泉淨嚴出世卽東雙泉院也陳規輿地紀勝官吏陳規宣和間知安陸縣行知府事自中原失守諸重鎮多失惟規與羣盜屢戰皆不能犯由是德安獨存安陸民德公爲廟祀之賜號賢

成廟

宋陸游鍾山題名跋

宋陸務觀題名按放翁入蜀記乾道六年七月八日至鍾山道林真覺大師壇焚香壇在太平興國寺上寶公所葬也塔後有定林庵予乙酉秋嘗雨中獨來游畱字壁間後人移刻崖石讀之感歎蓋已五六年矣卽此題也錢辛楣放翁年譜乾道元年乙酉七月改任通判隆興軍府事自京口過金陵雨中獨游鍾山蓋卽據入蜀記按放翁隆興元年除通判鎮江軍府事甲申二月到鎮江任閏月壬午游焦山有題名乙酉由鎮江改隆興軍府通判是年四十一歲趙甌北放翁年譜系之二年誤笠澤用魯望先王事放翁雲門壽聖院記亦

署吳郡陸某不稱山陰定林寺有二景定建康志上定林寺
舊在蔣山應潮井後宋元嘉十六年禪僧竺法秀造在下定
林寺之西乾道間僧善鑑請其額於方山重建下定林寺在
蔣山寶公塔西北宋元嘉元年置後廢今爲定林庵王安石
讀書處放翁所游是定林庵卽下定林寺也 是刻金氏鰲
曾見之久已湮沒打碑人山東荀估攜拓本來閱之喜甚時
大雨如注東望鍾山在煙雲出沒間猶想見鏡湖詞客蠟屐
獨行時豪興也

宋楊輔等口楚崖題記跋

宋楊輔等題記行書在襄陽南三里山之王蟒洞未見著錄
楊輔史有傳字嗣勳臨人乾道二年進士甲科官至建康

府兼江淮制置使諡莊惠史言以顯謨閣待制知江陵府移襄陽而不詳何年嗣勳嘉泰元年上泉寺題名云余守江陵之四年徙襄陽是其知江陵在慶元四年徙襄陽在嘉泰元年也蒲叔獻南部人舉進士爲成都曹百姓歌曰運使姓蒲民力可蘇召爲宗正卿韓侂胄用事遂請去時論偉之見萬姓統譜侂胄用事在開禧間叔獻爲湖北轉運使當在成都之前

宋李曾伯紀功銘跋

宋李曾伯紀功銘正書在襄陽宋史理宗本紀淳祐十三年十一月丙申京湖奏聞復襄樊功都統高達以下將士三萬二千七百人各官一轉犒緡錢三百五十萬收復在四月奏

聞賞功在十一月史據奏聞書之也考曾伯主登史俱有傳曾伯字長孺覃懷人後居嘉興淳祐初歷兩淮制置使權兵部尚書六年放歸田里九年起知靜江府廣西經略安撫司使兼轉運使進徽猷閣學士京湖安撫制置使知江陵府兼湖廣總領兼京湖屯田使進龍圖閣學士疏言襄陽新復之地城池雖修浚田野未加闢室廬雖草創市井未阜請蠲租三年詔從之此銘刻於寶祐二年自稱京湖制置使是其知江陵府尚在寶祐二年後也登字景宋德安人出制置使孟珙幕府淳祐四年舉進士調興山主簿制置使李曾伯經理襄陽登在行以積功升後至軍器少監京西提點刑獄開慶元年提兵援蜀卒宏簡錄云登在行以功升將作監丞較宋

史爲詳高達屢見於本紀淳祐十一年四月高達帶行遙郡
刺史權知襄陽府管內安撫節制馬軍寶祐元年三月錄襄
城功高達帶行環衛宮遙郡團練使銘刻於寶祐二年稱都
統不言權知襄陽府殆以遙投之職故也首云淳祐十一年
後云越三年寶祐二年也

遼廣濟寺佛殿記跋

遼敕賜廣濟寺碑前銀青崇祿大夫檢校司徒使持節儒州
諸軍事儒州刺史兼御史大夫上柱國廣平縣開國男食邑
三百石宋璋撰攝大定府文學龐可昇書碑陰左側皆邑人
題名右側爲重熙五年重修寺題記碑記僧弘演率門人道
廣維那王文襲等修寺宇敕賜寺額等事儒州遼地理志隸

西京道今直隸宣化府延慶州治大定府隸中京道今喀喇
沁右翼南一百里廣平立縣始於唐而省於遼地志不言何
時省入幽都今此碑刻於太平五年而有廣平縣開國男知
省縣在太平後矣若宋志之廣平則宛平之訛不足據

金正大提控所印攷

金正大二年提控所印以今工部營造尺度之方二寸篆文
凡四字曰提控之印右云正大二年十月日言左云大名行
部造上云副提控印柱紐上刻一土字皆正書與各書所載
金朝官印均合校正大爲哀宗第二改元大金集禮云三師
三公親王尙書令並金印王及諸郡王三師宰執一品官並
用銀鑄金鍍二品印銅鑄金鍍三品以下皆止用銅鑄此印

銅鑄無金鍍蓋三品以下官之印攷金之提控皆虛銜無專
官百官志有提控銜者甚多印文正用提控莫能定其何官
上云副提控印則此印實提控之副使所用有提控銜之副
使類多六品以下官然則此印乃六品以下官所用者其云
大名行部造者按金地理志大名府路貞祐二年置行尚書
省此印蓋卽行省所鑄哀宗紀正大二年七月蘇椿自大名
來奔十月猶有是鑄是椿雖出奔大名尙未陷也張芑堂金
石契有都統出字之印正大五年恆山公府造與此正同金
自貞祐以後朝廷授職旣無定額而臣下置官設印一時權
宜有不自知其僭妄者金百官志云泰和八年閏四月勅殿
前都檢點司鑄印依總管府例以金木水火土爲號此印柱

上土字猶守泰和之舊與他印以千文編號者不同前人釋
土爲上者誤金印傳於今者吳蘇閣詩載正隆六年句當公
事印汴少府監造前駐藏大臣錫厚菴藏貞祐三年省差官
字之印金索載元光二字副統約字之印養新錄載興定元
年提控所菜字印金索又載正大四年成字都統所印四印
均行官禮部造金索又載提控所維字印合恆山公府所造
都統印與此而七可互相取證矣

元龍興寺膽巴碑跋

元龍興寺膽巴碑撰於延祐三年碑云皇帝卽位之元年有
詔金剛上師膽巴賜諡大覺普慈廣照無上帝師勅臣孟頫
爲文并書刻石大都口口寺五年真定路龍興寺僧迭瓦八

奏乞刻石寺中復詔孟頫爲文梭元釋老傳膽巴歿於成宗
大德七年皇慶閒追號大覺普惠碑作慈廣照無上帝師此云
皇帝卽位之元年卽仁宗皇慶元年也五年卽延祐三年也
皇慶二年改元延祐五年蓋統計之碑又云祠祭摩訶伽刺
持戒甚嚴晝夜不懈屢彰神異與傳所云懷孟大旱禱之立
雨呪食投龍湫奇花異果上湧諸事相合摩訶伽刺神傳作
摩訶葛刺神碑中帝師巴思八傳作八思巴潛研堂跋歷舉
文宗紀輟耕錄作巴思八焚毀僞道藏經碑作八合思巴至
元法寶勘同總錄序作拔合思八世祖紀作八合思八王月
部第卿復舉仁宗紀作帕合斯巴元典章作八思馬荖孫撿
元史阿魯渾薩理傳作八哈斯巴阿尼哥傳作八合斯巴

殿本元史又譯作帕克思巴譯音無定字也大都之碑未立
真定之石早亡而松雪真蹟尙存天壤其爲貴重當駕宋元
拓木而上矣

執風堂文集卷六